


范石湖入蜀詩藁

土岐文庫
文庫17
W158



文章 17
W158

石湖嘗言余生東吳而北極
幽薊南宅交廣而西使岷峩
之下三方皆走萬里所至無不
登覽此乃其使岷峨時作也
今世士多仕其國雖無差使赴
職之事其不有扈從徂役西
東萬里乎若善讀此等詩者

蜀中詩

昭和六十年二月一日
王岐善吉應氏寄贈

010185187662

異日四羈旅倚鞍坐轎賦詩紀
事在歲弓以別於彼以尸走
肉之徒也此本乃吾所淺
法儒愚山翁所校吾喜翁
本之有傳也故序
天保辛丑冬泂華筱原元博

同圖

石湖居士蜀中詩卷上

初發太城留別田父西蜀夏旱未行
前數日連得雨

父老云今
歲又熟矣

秋苗五月未入土行人欲行心更苦路逢
田翁有好語競說宿來三尺雨行人雖去
亦伸眉翁皆好住莫相思流渠湯湯穀滿
野今年醉飽鷄豚社

入崇寧界

桑間三宿尚回頭何況三年濯錦遊草草



郫筒中酒處不知身已在彭州

懷古亭

在永康離堆之上離堆分岷江水一泓既彭蜀而支流迫

郫縣以入

朝來寫得故人書雙鯉難尋鴈亦無付與

離堆江水去解後郫縣到成都

離堆行

沿江有兩崖中斷相傳素李太守鑿北以分江水又傳李

鎖孽龍於潭中今有伏龍觀在潭上蜀旱支江水涸即遣官致祭壅

都江水以自足謂之堰水無不應民祭賽者率以羊歲殺四五萬計

殘山狼石雙虎卧斧迹鱗斲中鑿破潭淵

油油無敢唾下有猛龍踰鐵鎖自從分流

注石門西州統稻如黃雲判羊五萬大作

社春秋伐鼓蒼煙根我昔官稱勸農使年

年來激西江水成都火米不論錢絲管相

隨看蠶市歛門得得醉清尊椒漿桂酒刑

羶葷妄欲一語神豈聞更願愛羊如愛人

崇德廟

李太守廟食處也

雪山南風融雪汁化作岷江江水來不知

新漲高幾畫

離堆石壁舊有水則記漲痕占歲事一畫為一則

覺樓前奔萬雷，天教此水入中國。兩山辟
易分道開，我家長川到海處。却在發源傳
酒杯，人生幾屐辨。此役遠遊如許許，神應
哈東歸。短棹昨已具，明日發船。槳鼓催灘
平放溜，日千里已夢。繪鱸如雪堆，丹楓繫
纜一回首。玉墨浮雲安在哉。

戲題索橋

織篔簹，勻鋪面，排繩強架空。染人高睡，帛獵
戶遠張，置薄薄難承。雨翻翻不受風，何時
將蜀客東下，看垂虹。

青城山會慶建福宮

宮舊名大觀，予為請於朝賜。

今名入山前數口，勅書至自，行在予就設醮以祝聖人壽云。

墨詔東來洵，驛傳璇頭金榜照山川。祥開
聖代千秋節，響動仙都九室天。觸石湧雲
埋紫邏，流金飛火燭蒼巔。祇應老宅龐翁
客，長記新宮錫號年。
老宅即老村也，舊名潦澤，疑傳之誤，余此為更名。

再題青城山

萬里清遊不暇慵雙旌換得一枝筇來後
井絡直西路上到江源第一峰海內間身
輸我佚山中佳氣為人濃題詩試刺巖前
石付與他年藓暈重

玉華樓夜醮

青城觀殿前大樓制作
瑰麗初夜有火炬出殿

後峰上羽衣云數年前曾一現已
而如_三有風吹滅_之比_二同行諸官至
則無_一見矣予默禱云此燈果為我
來者當再明使眾共觀之語訖復現

丈人峰前山四周中有五城十二樓玉華仙宮居
上頭紫雲瀕洞千柱浮剏風八面寒颼颼靈君

宴坐三千秋跨符飛行戲元洲下睨濁世
悲蜉蝣桂旗偃蹇澹少休知我萬里遙相
投暗蛸奏樂鏘鳴球浮黎空歌清夜迺參
旗如虹欬下流化為神燈燭巖巖絳火鈴洞
赤凌空存誰欺蔽虧黯然收禱之復然為
我留半生縛塵鷹在鞴豈有骨相肩浮丘
山英發光洗羈愁行迷未遠夫何尤笙簫
上雲神欲遊揖我後之驂素虬

上清宮

自青城登山所
謂最高峰也

歷井桐參興未闌丹梯通處更躋攀冥濛
蜀道一雲氣破碎岷山千髻鬢但覺星辰
垂地上不知風雨滿人間蝸牛兩角猶如
夢更說紛紛觸與蠻

最高峰望雪山

大面峰頭六月寒神燈收罷曉雲斑浮空
忽湧三銀闕云是西天雪嶺山

范氏莊園

夕陽塵土漲郊墟六六峰頭夢覺餘竹色
喚人來下馬亂蟬深處有圖書

青城縣何子方使君同年園池

橙塍半壠意中行浩蕩薰風不計程兩脚
背人歸玉壘江聲隨馬入青城五橋今日
新知路千佛當年舊綴名水竹光中同一
笑丐君荷露濯塵纓

何同年書院

有丹竈甚雅

竹色侵晚帙泉聲漱嵌根誠通丹竈路應
到老人村

江源縣張季長正字家善頌堂季長畫出

先世所藏圖書壁有趙清獻公為令時題名是日會新米坐中皆贊

喜夏初嘗大旱也

我窮江源來名勝頗追逐薰風秀沃野在
處得奇曠頌堂有佳士文字照縑竹圖書
抱世字古錦韜玉軸黃金不滿贏故國有
喬水逡巡酒如澠霍霍具水陸田頭新穀
升一飯香滿屋回思閔雨時敢望遽炊玉
摩挲壁間題明府遂州牧山高江水長百

世照尸祝我來坐琴壇琴壇在成都西園靖獻公彈琴宴坐處

覩汗媿前躅空餘烟霞痼未許是公獨

請歌青城遊或附耆舊錄

蜀州西湖荷花正盛開水日登舟亭也湖陰亭外別有白蓮尤

奇蜀中無菱至此始見之

間隨渠水來遇到湖光裏仍呼水月舟徑
度雲錦地誰云不解飲我已荷香醉湖陰
玉嬋娟負立紅粧外何須東閣梅悠然自
詩思驚風入午暑水竹有秋意采菱不盈

物興共尊鱸會遙知新津宿鬼夢亦清麗

新津道中

雨後郊原淨村村各好音宿雲浮竹色清
溜之橙陰曲沼擎青蓋新畦藝綠針江天
空濶處不受暑光侵

次韻陸務觀編修新津過雨不得登修

覺山徑過眉州三絕新津館舍上漏

堪憂修覺一望入云可見劍門杜
子美所謂西川供客眼處眉山城
中悉是

送客多情難語離僕夫無情車載脂平生
飄泊知何限少似新津風雨時

離合紛紛怕遠遊遠遊仍怕賦登樓何須

一望三千里望盡西州轉更愁

雨後暮頤山色開玻璃江清已可杯綠荷

紅芰香四合又入芙蓉城裏來

中巖去眉州一程詎羅尊者道場

相傳昔有天台僧遇病僧此之
木鑰匙云異時至眉州中巖扣石
筍當再相見後果然今三石屹立
如樓觀前兩樓純紫石中一樓蘿
蔓被之傍有寶瓶峯甚端正山半

有喚魚潭慈姥龍所居世傳鴈蕩大小龍湫亦諾詎羅道場豈化人往來無常處耶

赤巖倚玲竚翠邏森成削岑蔚嵐氣重稀
間暑光薄聊尋大士處住扣洞門鑰雙櫂
紫玉關中墨翠雲幄應供華藏海滸坐寶
樓閣無法可示人但見雨花落不知龍湫
勝何似魚潭樂夜溪山四來人靜天一握
驚看松挂白月影到林壑門前六月江世
界塵漠漠寶瓶有甘露一滴洗煩濁捫天
援斗杓請為諸君酌

慈姥巖與送客酌別風雨大至涼甚
諸賢用中巖韻各賦餞行詩紛然擘
殘清飲終日雖無絲竹管絃而情味
有餘

山靈知我厭塵土喚起蟄雷塵午暑松風
無力雨絲長散作純純雪塵舞巖前懸溜
珠簾傾安得吹來添玉觥詩成酒盡腸亦
斷休喚佳人唱渭城

次韻陸務觀慈姥巖酌別二絕

送我彌旬未忍回，可憐蕭索把離杯。不辭更宿中巖下，投老餘年豈再來。

明朝真是送人行，從此關山隔故情。道義不磨雙鯉在，蜀江流水貫吳城。

次韻代答劉文潛司業二絕

平羌江上首空回，慈姥巖前定把杯。縱使石腸都忘却，也應風雨送愁來。

回廊月下短歌行，惟有知音解有情。一曲紅窓戲裡怨，如今分作兩愁城。

玻璃江一首戲效陸務觀作

玻璃江頭春渌深，別時云法流到今。祇言日遠易排遣，不道相思翻苦心。烏頭可自

我可去，菖花易青君易尋。人生若未免離別，不如碌碌無知音。

余與陸務觀自聖政所分袂，每別輒五年離合，又常以六月似有數者中巖送別，至揮淚失聲，留此為贈。

巖送別至揮淚失聲留此為贈

官途流轉幾沈浮，雞黍何年共一丘。
動輒五年遲遠信，常於三伏話羈愁。
月生後夜天應老，淚落中巖水不流。
一語相關仍自解，除書聞已趣刀頭。

萬景樓

在漢嘉城中山上，登覽勝絕。殆冠西州，予今畫工作圖以

歸中山谷來遊時，但有安樂園未有此樓也。

左披九頂雲，右送大峨眉。
殘山剩水不知數，一一當樓供勝絕。
玻璃濯錦遙相通，指麾大渡來朝宗。
川靈昏命各東去，我亦順

流呼短篷。詩無傑語慚風物，賴有丹青傳小筆。
仍添詩客倚闌看，令與山川相映發。
龍鬯歸路繞烏尤，棟雲簾雨邀人留。
若為喚得涪翁起，題作西南第一樓。

凌雲九頂

即大石佛處，初登山時巖壁上悉刻為小佛，不知其

數。山前佛頭灘，受雅江之衝，最為艱險。

聊為東坡載酒遊，萬龕迎我到峰頭。
江搖九頂風雷過，雲抹三峨日夜浮。
古佛臨流都坐斷，行人識路亦歸休。
酣酣午枕眠方

丈一笑問身始自由

戲顯方響洞

漢嘉廣福院中水洞有戲琅然莫知其所在

魚丁東水山谷易今名且運詩云

全我當改為方響洞

隔凡冰澗不可越衆真微步壺中月徙倚

含風玉珮戲何須聽作麤賓鐵

問月堂酌別

半明燈火話悲酸此會情知後會難四海

宦途多聚散一生情事足悲歡鬢絲今夜

不多黑酒量微明無數寬醉夢登舟都不

託但聞風雨滿江寒

別後寄題漢嘉月榭

陸務觀所作同

景嘉州酒名湖亭明月榭上直大岷州

治前方作旗亭月榭上直大岷州

隱吏詩情卜築幽同年惜別勸淹留試傾

萬景湖亭酒來看半輪江月秋川路雖長

猶共此夜舩空載且歸休碧巖勝處頻回

首好事誰能更小樓

過燕渡望大峨有白氣如層樓拔起

叢雲中

圓野千山暑氣昏大峨烟霧亦繽紛玉峰
忽起三千丈應是兜羅世界雲

蕪稽鎮客舍

送客都回我獨前何人問此竹間軒灘戲

悲壯夜蟬咽併入小窓供不眠

峨眉縣

縣出符文布婦女人人續麻且行且觀田家東蒿然於門以戶為香氣

窮鄉未省識旌旄雞犬歡呼巷陌騷村媪
聚觀行績布野翁迎拜跽然蒿泉清土沃
稻芒登縣古林深槐瘦高珎重里儒來獻
頌盛言千載此丘遭

初入大峨

烟霞沉痼不須醫此去真同汗漫期曾歎
上清臨大面仍從太白問峨眉山中緣法
如今熟世上功名自古癡騰作畫圖歸挂
壁他年猶欲卧遊之

華嚴寺

衆峰攢壁立，中有路一綫。攀援白雲梯，食
頃已天半。我本紫芝曲，誤落青蜀棧。向來
脫新羈，恍已還舊觀。花烟辭少城，暑雪對
大面來。從太白西更走，三岷徧風生。兩掖
輕泉孔，四山眩令晨。第一程莫歎，輿僕倦。

中峰

有普賢閣背倚白崖峰餘七十
峰共環之茂真尊者舊菴在峰
下其傍一峰最秀號呼應孫思邀
所往來傳云茂真與孫常相呼而

應故

凌高躡危峰，斗下頰幽谷。仙英馥樹蘭，嘉
蔭轟旄毒。縣空翠元不雨，洩雲自膏沐。暑綵
森有稜，瘁肌淒欲粟。白崖如負依，金界奠
蒼麓。衆峰拱二八，娟妙繞重屋。真人典尊
者，縉居接松竹。呼之儻有應，留我試餐玉。

雙溪

在白水寺前兩溪各自一山來
奔出橋下前行入林數十步合
為一水洞而深潭以入寶現溪僧
云此景猶在廬山三峽雁蕩龍湫
之上溪中舊常有兩石子關
日照溪中常有五色光相

冷風騷騷木葉低，洞淵阻深生怪奇。碧琳

雙澗黑無底，中有玉龍相對飛。
雷真雪捲入林樾，化為一龍潭。
底沒摩尼鬪罷四上空，時有寶光巖下發。

寶現溪

雙溪合而一，既出巖竇，散為此溪，叢三截自西域歸，過溪見兩石子，鬪攬得其一，今巖黑水寺石上有一目，端正透底，溪以此名得。

粲粲罨畫沙，鱗鱗麴塵水。
朝陽相發揮，光景艷孔翠。
寧聞雙溪號，俱見穀紋細。
神魚不謀食，終日印潭底。
躍珠本具眼，聊共阿

師戲收藏更傳寶，一笑落第。

點心山

在白水寺後，自此登峰頂。

入山窘宿雨，上山賀朝霽。
跬步便歷險，轉盼已呀氣。
豈惟膝點心，固已頭搶地。
遊人貪勝踐，姑吟蜀道易。

大夫擗

身如魚躍上長竿，路似鏡中相對看。
珍重山丁扶我過，人間踽踽獨行難。

小夫擗

食時方了，大扶拐前途。仄徑仍崎嶇，懸崖
破棧不可玩。輿丁挾我如騰狙，平生行路
險艱足。如今雪鬢應難綠，却憐苔髮鎮長
青。千古毵毵挂高木。

胡孫梯 岷山有胡孫
愁予常過之

木殘鱗鱗滑帶泥，微生歌側寄枯藜。胡孫
愁處我猶過，箇裡如今幸有梯。

雷洞平 七十二洞皆在道傍，大旱有
禱投香花不應，即以大雨或

死彘及婦人弊履投
而觸之雷雨即至

行人魄動風森森，兩崖奔黑愁。太陰不知
七十二洞處，側足下窺雲海深。聞有神龍
依佛住，根觸須臾。台雷雨兩川稻熟，須好
晴。我亦間遊神勿驚。

八十四盤

冥鴻無伴鶴孤飛，回首塵籠一笑嬉。八十
四盤新拄杖，萬三千乘舊牙旗。石梯碧滑
雲生後，木葉紅斑雪霽時。說與同行莫惆
悵，人間捷徑轉欽巖。

婆羅平

仙聖飛行此是家，路逢真境但驚呀。
神農嘗外盡靈藥，天女散餘多異花。
嵐雨逼衣寒似鐵，冰泉炊米硬於沙。
峰頭事事殊塵世，缺甃跳梁笑井蛙。

思佛亭曉望

栗烈剛風刮病眸，登臨何啻緩千憂。
界天暑雪青城外，湧池晴雲瓦屋頭。
浩蕩他年誇北客，蒼茫何處認西州。
千巖萬壑須尋徧，身是江湖不繫舟。

光相寺

峰頂四時如大冬，芳花芳草春自融。
苔痕新晞六月雪，松勢舊偃千年風。
雲物為人布世界，日輪同行虛空。
浮生元自有超脫，地上可憐悲擗蓬。

七寶巖

大峨絕頂白水寺已在山半由白水陡上至巖又六十一里

天如碧玉甌，下覆白玉盤。
晶光眩相射，我獨居兩間。
正視不勝瞬，却立聊少安。
但覺

風浩浩骨毛森以寒，神仙杳無處寧論。
有塵寰身輕一稿葉，兩腋如飛翰同行。
挽我衣何往，何當還少留，作詩去奇哉。此憑闌。
淳熙四年六月二十七日登大峨之
巔一名勝峰山佛書以為普賢大士
所居連日光相大現賦詩紀實屬印
老刺之少為山中一重公案

勝峰高哉摩紫清白鹿導我登化城住山
大士喜客至兜羅布界續相迎圓景明暉
倚雲立艷如七寶莊嚴成一光未定一光
發中有墨像随心生白毫後池挿空碧散
燭象緯天龍驚夜神受託亦修供照世洞
然千古燈明朝銀界混一白咫尺眩轉寒
凌兢天容野色儵開閉慘澹變化愁仙靈
人言亦通欲大現洗山急雨如盆傾重輪
暈采印巖腹非烟非霧非丹青我與化人
中共住鏡光覲面交相呈前山忽湧大圓
相日圍月暈浮青冥林泉草木盡含裏是

別名為普光明言詞海藏不勝讚北峰復
有金橋橫衆慈久立佛事竟一塵不起山
鈴竝向來無法可宣說為問有耳如何聽
我本三生同行願隨緣一念猶相應此行
且復印心地衣有寶珠奚外營題詩說偈
作公案亦使來者知吾曾神通佛法須判
斷一任熱椀春雷鳴

諸佛閣晚望雪山數十峰如爛銀晃
耀暑光中

累塊蒼然曼九州大千起滅更悠悠雪光
正照天西角日影長浮雨上頭峰頂何曾
知六月塵間想已別三秋佛毫似欲留人
住橫野金橋晚未收

淨光軒 白水寺

翳華銷盡八窓明雨竹風泉演妙轂身世
只今高幾許北峰渾共倚闌平

虎溪 黑水寺前雖不及雙溪亦佳處
也開山僧至此斷渡一虎踞前
因跨之亂流以濟今作橋
其上水歲推盪輒更新之

水本無心作浪波經行偶與石相磨不須
更問橋安否喚取菟載我過

白雲峽

牛心寺

雙溪疑從銀漢下我欲窮源問仙舍飛瀾
賤沫漱籃輿却望兩崖天一罅踈踈暑雨
滑危梯策策山風掖高駕幽尋險絕太奇
生莫笑退之號太華

孫真人菴

何處仙翁舊隱居青蓮巉絕似蓬壺雲深
未到海朱洞雨小先尋煉藥爐磻下草香
疑可餌林間虎伏試教呼間身儘辨供薪
水定肯分山一半無

龍門峽

挿天千丈兩碧城中玉壘穿巖角瀑流
懸布不知數亂落嵌根飛白雨玲瓏為室
雲為關龍君所居朱夏寒不辭擊掉更深
入萬一龍驚雷破山

既離成都故人送者遠至漢嘉分袂

其尤遠而相及於峨眉之上者六人

范季申郭中行楊商鄉嗣勳李良仲

譚德稱口占此詩留別

我本住林屋風吹來錦城錦城亦何樂所
樂多友生相從不知久相送不計程橫絕
峨眉巔欲去有餘情吾宗蓋難弟李郭人
中英二楊懿文德譚子資粹清相視心莫
逆劇談四筵輕明朝各回首雲水相與平
我今投紱去行且扶藜耕淒涼別知賦壞

慨結客行後會豈不好路長恐寒盟諸賢
乃不九骨相有功名大厦罩群木明廷朝
萬靈王畿坦如砥結紱當同登道傍石湖
水誰能叩柴荆夢中儻相見秉燭聽殘更
聞威州諸羌退聽邊事已寧少城籌
邊樓闌檻修葺亦畢工作詩寄權制
帥高子長

坐壽邊樓上美髯翁赤白囊飛笑語中執律
天西元采玉蓬婆雪外昨多弓踏筵舞罷

平闌月橫，樂詩成滿袖。風諸校各能歌，破陣何須琴裏聽。平戎破陣平戎皆有本，事子長當一笑領。

石湖居士蜀中詩卷上

後學松本慎校閱

石湖居士蜀中詩卷下

犍為江樓

河邊堵立看歸蓬，三老開頭暮欲東。漲水稠灘連峽內，淺山浮石似湘中。無人驛路榛榛草，有客江樓浩浩風。種落塵消必公事，騰裁新語寄詩筒。縣令師永錫同年熊詩

宣化道中

瘦草蕭疎已似秋，盤陀山骨東江流。兩崖若不頑如鐵，爭得狂瀾拍岸休。

將至敘州

亂山滿平野，漲水豪大川。仄徑無轍跡，疎林有炊烟。山農旦燒畝，蠻賈暑荷甕。窮鄉足荒怪，打鼓催我船。

七夕至敘州登鎖江亭山谷謫居時

屢登此亭有詩四篇敬酬其韻

水口故城丘壠平，新亭乃有緱鐵橫。舊戎

對江山班下臨馬湖蠻江路自江出必過城下故寘鎖以為限今遷城過江已失形勝而猶於亭下鎖江特歸艤擊汰若飛以攔稅而非本旨也

渡一雨徹明秋，漲生東樓鎖江兩重客。筆

墨雷代俱詩鳴，我來但醉春碧酒。星橋脉

脉向三更，郡醞舊名重碧取杜子美東樓詩重碧醕春酒之包余更其名

春碧語意便勝

江安道中

近瀘州最險處號張旗三灘言張旗之頃已過三灘

其湍急如此瀘戎之間有渡瀘亭然不知孔明竟出何路今鎮江對

岸廢城下臨馬湖有韋高紀功碑

穠綠連村荔子丹，瘴雲將雨暗前灣。張旗

且喜三灘駛叱馭，曾驚九折艱瀘水舟間。

迷古渡馬湖碑缺伴荒山威名功業吾何
有無事飄飄犯百蠻

瀘州南定樓

歸艖東下興悠哉小住危闌把一杯樓下
平沱內江水明朝同入大江來

題譚德稱扇

德稱與楊商卿父子送余遠至瀘之合江以扇

求詩各為一絕

蠻風吹雨瘴江肥短草荒山鳥不飛盡是
瀘南腸斷句如今分典故人歸

題楊商卿扇

君歸我去兩銷魂愁滿千山鎖瘴雲後夜
短檠風雨暗誰能相伴細論文

題楊子容扇

雙竹軒窓聽讀書垂垂雲翼要搏扶與君
只作三年別射策東來過在湖

譚德稱楊商卿父子送余自成都合

江亭相從至瀘南合江縣始分袂水
行踰千里作詩以別

合江亭前送我來，合江縣裏別我去。江流
好，合人好，年明日東西南北路，千里追隨
不忍歸。一杯重把，知何處臨歧，心曲兩茫
然。俱祝頻書無別語。

發合江數里寄楊商卿諸公

臨分滿意說離愁，草草無言祇淚流。船尾
竹林遮縣市，故人猶自立沙頭。

過江津縣睡熟不暇稍船

西風扶櫓似乘槎，水濶灘沈浪不花。夢裡
竹間喧急雪，覺來船底滾鳴沙。

恭州夜泊

草山礱确強田疇，村落熙然粟豆秋。翠竹
江村非錦里，青溪夜月已渝州。小樓高下
依盤石，弱纜西東戰急流。入峽初程風物
異，布裙跣婦總垂瘤。

大熱泊樂溫有懷商卿德稱

暑候秋逾濁，江流晚更渾。瘴風如火熾，嵐
月似烟昏。城郭廩君國，山林妃子園。故人

新判袂得句與誰論

涪州江險不可泊入黔江機舟

黃沙翻浪攻排亭潰淖百尺呀成坑坎窪

眩轉久乃平一渦熨帖千渦生篙師絕叫

毆川靈鳴鏡飛渡如奔霆水從岷來如濁

涇夜傍黔江聊濯纓玻璃徹底鏡面清忽

思短棹中流橫釣絲隨風浮月明

妃子園

涪陵袁子天寶所貢去州里所有此園然峽中袁子不及又閩中遠甚陳紫

露葉風枝驛騎傳華清天上一名嫣然當時

若識陳家紫何處蠻村更有園

豐都觀

在豐都縣後三里平都山舊名仙都觀相傳前漢王方平

後漢陰長生得道處陰君上升時五雲從地湧出丹竈古柏皆其故

遺蹟晉隋殿宇無恙壁畫悉是當時云此地即所謂北都羅豐

神仙得者王方平誰其繼之陰長生飄然

空飛五雲輶上賓寥陽留玉京石爐丹氣

常夜明寵光萬柏森千齡峽山偏仄岷江

縈同宮福地古所銘云有北陰神帝庭太
陰黑簿囚鬼靈自從仙都啟巖窟明霞流
電飛陽晶暉景下墮鍊九冰寒絕苦道升
無形至今臺殿棟玲竚隋圻唐堊留丹青
十仙怪竒溪女清瑤池仙仗紛娉婷琅瑛
赴節鏘欲鳴我來秋暑如炊蒸汗流呀氣
扶枯藤摩挲衆蹟不暇評聊記梗槩知吾
曾

萬州西山湖亭秋荷尚盛

叢蒼忽明眼山腰灩湖光列岫繞雲錦深
林護風香西山即太華玉井餘秋芳隔江
招岑仙共擘雙蓮房

下巖

疇管中巖一夢殘下巖風景亦高寒峽中
無處堪停棹雨後今朝始凭闌不用苦求
毫相現祇教長挂水簾看山僧勸我題蒼
壁坡谷前頭未敢刊

魚復浦泊舟望月出赤甲山山形斷

缺如鼉龍坐而張頤月自缺中騰上
山頂

月生赤甲如金盆蹲龍呀口吐復吞長風
浩浩挾之出影落半江沈復翻天高夜靜
四山寂惟有灘聲喧水門高齋詩翁不可
作我亦不眠終夕看

夔門即事

自東川入峽路至恭州便
有瘴俗夾岸山悉卑小入
夔界山皆傑然連三峽夔水不可
飲取之卧龍十里之外雲安趨米
春自唐以來稱之
今夔酒乃不佳

峽行風物不堪論
伴暑驕陽雜瘴氛
人入
恭南多附贅山
後夔子盡侵雲
竹枝舊曲
元無調麴米新筍
但有聞試覓清冷一杯
水筒泉須自卧龍分

瞿唐行

七月十一日至夔州灘瀨撒
錢不可犯是夜水漲及山腹
詰且視灩澦則已在水中心土人云
此青草舟也可已在水中心土人云
稗畧其頂而過郡中遣候兵立山
上每舟一平安則搖櫂以格後舟
白鹽赤甲皆峽口大山黃嵌黑石
皆峽中至險處入峽西岸有聖泉
舟人或向之疾呼日人渴也泉即
迸下一杯許復乾命舟過甚急未

之試也

川靈知我歸，有程一夜漲。痕千丈生中流，
擊楫洶作氣。夾岸巖嶽換呀，失聲不知灩澦。
灩澦在船底，但覺瞿唐如鏡平。鑿峽疏川，狼石
破號山，索飲飛泉驚。白鹽赤甲，轉頭失黑
石。黃嵌拚命輕，草莽增肥無泊處。竹枝疑
咽空，餘情人間險路此奇絕。客裏驚心吾
飽更，劍閣翻成蜀道易。請歌范子瞿唐行。

夜泊歸舟

州有東玉宅昭君臺

舊國風烟古，新涼瘴癘清。片雲將客夢，微
月照江聲。細和悲秋賦，遙憐出塞情。荒山
餘閑閱，兒女擅嘉名。

秣歸郡圃絕句二首

花竹蕭騷小圃畦，官居翻似隱淪棲。巴山
四合秋陽滿，杜宇黃鸝相對啼。

孤城偏仄復偏仄，前山後山青欲來。市聲
蕭條衙鼓靜，惟有叱灘喧萬雷。

叱灘即黃灘下連

人鮮
雍瓦

宋玉宅

家

相傳好歸縣治即其舊址縣左旗亭好事者題作宋玉東

悲秋人去語難工，搖落空山草木風。猶有市人傳舊事，酒壚還在宋家東。

後巫山高一首

余前年入峽常賦巫山，今復作一篇。

二峯中東西各一峯，最奇不可繪畫。左右前後餘峯之可觀者尚多，不_レ止_二十二_一峯也。不_レ問_二陰晴_一，雲物常相映帶，尤為_二勝絕_一。但以_二漲江_一湍怒，難_二棹鼓_一棹，而過不_レ復登_二廟前_一。余以_二水暴漲_一，得_二下瞿唐_一，至_二巫山_一縣人云：却_レ須_二水退_一始_レ可_レ入_二巫峽_一。一夜水落十餘丈，遂不_レ復滯留。

凝真宮前十二峰，兩峰娟妙翠插空。餘峰競秀尚多有，白壁蒼崖無數重。秋江漱石半山腹，倚天削鐵荒行蹤。造化鍾奇真瑤巘，真靈擇勝深珠宮。朝雲未罷暮雲起，陰晴竟日長冥濛。瑤姬作意送歸客，一夜收潦仍回風。仰看館御飛檝過，回首已在虛無中。惟餘烏鴉作使者，迎船送船西復東。

黃牛峽

廟為黃牛神所居，即石馬擊祠門處。東坡所書歐公詩及本事碑石在東廡祠後高峰之上。有黃牛迹，客舟甚敬之，以_二歐公_一故。

石馬亦有靈
烏護甚嚴

朝離悲秋宅，午傍疊石磯。
小留黃牛廟，細讀石馬詩。
黃牛隱見蒼山裏，石馬至今猶
馘耳。當年夢境識仙翁，馬為迎門神為起。
物生不朽繫所逢，歐詞蘇筆蒼苔封。
山高水長翁之風，石馬亦與翁無窮。

假十二峰

即黃牛峽山自此直至乎
喜堪千峰重複靡不奇峭

巴東三峽數巫陽，山入西陵更鬱蒼。
何以假為非確論，直疑溟滓象尚唐。

扇子峽

兩岸山尤奇殆過巫
峽蝦蟇碛在南山岸

茲行看山真飽諳，今晨出峽仍窮探。
南磯北磯白鐵壁，千峰萬峰蒼玉簪。
橫前直疑江已斷，崛起競與天相攬。
蜀山欲窮此盤礴，禹力且盡猶鑄剗。
望舒宮中金背蟾，泥塗脫盡餘老饒。
下飲岷江不知去，流涎落吻如柑髯。
挈瓶樣掉鮮清甘，未暇煮茗和薑鹽。
聊將滌硯濡我筆，恍惚詩律高巉巖。
荆渚中流回望巫山無，復一點戲成。

短歌

千峰萬峰巴峽裏不信人間有平地渚宮
回望水連天却疑平地元無山山川相迎
復相送轉頭變滅都如夢歸程萬里今三
千幾夢即到石湖邊

魯家汰入池

難行遂入池行池中最大

空夏處名百里荒盜區也

過盡巴東巫峽長荆川鼓棹更茫茫避風
怕入三江口乘月貪行百里荒夜後逢人

盡刀劍古來蹈地皆耕桑可憐行路難如
此一簇寒蘆尚稅場

鄂州南樓

誰將玉笛弄中秋黃鶴飛來識舊游漢樹
有情橫北渚蜀江無語抱南樓燭天燈火
三更市搖月旌旗萬里舟却笑鱸鄉垂釣
手武昌魚好便淹留

題黃州臨臯亭

夏口風帆赤壁磯雪堂醺酒竹樓棋繫舟

一日黃州下只辨登臨不辨詩

江州庾樓夜宴

前瞰大江後臨廬山登臨名勝殆甲他處

庾樓南樓乃在武昌非此也亮常刺江州後人製此名非斯樓之要

岷江漱北渚廬阜窺南窓名山復大川超

覽茲樓雙何必元規塵自足豪他邦使君

梳田熟新涼篤酒缸落景澹碧瓦長虹吐

金缸客後三峽來噩夢隨奔瀧小留聽琵琶

船旗卷脩杠請呼裂帛絃為拊洮河腔

曲終四憑闌倦遊心始降明發挂帆去曉

鐘烟外撞

東林寺

惠遠師白蓮社也傍有樂夫草堂對山絕頂即天池文殊

現燈處李成焚劫南北山不毀二十林

談易繙經宰木春三生猶自裊烟熏客塵

長隔虎溪水劫火不侵香谷雲老矣懶供

蓮社課歸哉收讀草堂文山頭一任天燈

現箇事何曾落見聞

過虎溪對東林蒼巖翠樾下浸大澗

宛似靈隱冷泉鳴長老法才作亭名

蜀中詩卷下
曰過溪且為率山丁薙草定基一朝而畢

過溪無限翠屏開大笑後教虎子猜不獨山中添故事仍教題作小飛來

病倦不能過谷簾三峽寄題

白龍青峽紫烟爐山北山南只半塗說與同來綠玉杖他年終補臥遊圖

湖口望大孤

廬阜岡勢斷江流漭相通大孤如小冠挿

入淪中我欲蛟濁浪往馭揚瀾風晃晃銀色界潏潏水晶宮濯足望八荒列宿羅心胸容帆詎肯駐搔首蒼烟叢

澎浪磯阻風

浦口藏舟尋丈慳篙師抱膝朝暮間逆風來從水府廟濁浪欲碎小孤山太白猶高缺蟾墮長江未盡歸鬢斑短歌聊復怨行路當有聽看凋朱顏

馬當洲阻風居人云非五日或七日

流

風不止謂之重陽信

拍岸回疏逆上磯枯揚折葦靜相依趁墟
漁子晨爭渡賽廟商人晚醉歸重九信來
風未慙大千行徧昨俱非羈愁萬斛後頭
數帶眼今秋又減圍

放舟風復不順再泊馬當對岸夾中
馬當水府即小說所載神助王勃一
席清風處也戲題兩絕

萬里江隨倦客東馬當山背勒孤篷無亦

解賦珠簾雨誰肯相賒一席風

禁江上口柏山東三月荒寒繫短篷却憶
宮亭湖裏去隨人南北解分風

守風嘲舟子

奪命稠灘百戰餘守風端坐恰乘除日長
飽飯佳眠覺間傍蘆花學釣魚

佛池口大風復泊

碧葦無思連天生青山有情終日橫風敲
洶怒木朝拔川氣流光珠夜明誰能坐中

白頭浪我欲往騎金背鯨俛仰之間撫四海
海可憐步步愁江程

長風沙

夕陽明遠帆高浪兀孤嶼綿綿淮山來閃
閃沙鳥去落木兩山家炊烟南北渡簷伸
擊汰行夢愕阻風處

九月八日泊池口

斜景下天末烟霏酣夕紅餘暉染江色激
艷琥珀濃我從落日西忽到大江東回首
舊遊處曛黃錦城中藥市并樂車歌樓沸
晴空故人十二闌豈復念此翁

池州九日用杜牧之齊山韻

年年佳節歌式微秋浦片帆還欲飛萬里
蜀魂思遠道九歌楚調送將歸杯中
山影分秋色木末江光借夕暉細撚黃
花一枝盡霏霏金屑滿征衣

離池陽十里清溪口復阻風

恰從秋浦挂篷簾又泊清溪十里餘愁水

蜀中詩卷下
愁風吹帽後作雲作雨投衣初遠尋草市
沽新酒牢閉蓬窓理舊書行路阻艱催老
病騷騷落雪滿晨梳

梅根夾

辛苦凌波棹平安入夾船日明漁浦網風
側瓦窰烟老圃容挑菜村巫橫索錢且投
人處宿終夜得佳眠

宿長蘆寺方丈

塔廟新浮水汀洲舊布金聊憑一葦力與
障萬波侵帆影窺門近鐘磬出院深夜闌
雷破夢歌枕聽潮音

將至吳中親舊多來相迓感懷有作

望見家山意欲飛古來燕晉一沾衣回思
客路豈非夢乍聽鄉音真是歸新事略從
年少問故人差覺坐中稀不須更說桑榆
晚霜後鱸魚也自肥

石湖居士蜀中詩卷下

後學松本慎校閱

昔人謂史家有互見之法一詳一略彼此相照不必層見複出蓋山水遊記之於詩亦然前年書坊取入蜀記吳船錄陸續上本今又謀刻石湖蜀中詩就余校閱乃借六如上人所藏本集抄而與之然范集世乏船本陶陰周田間難臆改請覽者正之至若陸詩亦當嗣刻以行于世云

庚申春日愚山顯

寛政十二年庚申三月

大坂書林

山本長兵衛

浅野佐七郎

